



Administrativna komisija

Broj. 04-GV-02-1040/24
Sarajevo, 03.09.2024. godine

ZAPISNIK O RADU
83. SJEDNICE ADMINISTRATIVNE KOMISIJE
GRADSKOG VIJEĆA GRADA SARAJEVA
održane 03.09.2024. godine

Prisutni:

1. Jasmin Ademović, predsjedavajući
2. Alen Girt, zamjenik predsjedavajućeg
3. Vedad Deljković, član
4. Muamer Mekić, po ovlaštenju umjesto Dragana Stevanovića, člana
5. Bajro Biber, član

Odsutni: Toni Vukadin, član i Drago Jurić, član.

Sjednici ispred Stručne službe Gradskog vijeća Grada Sarajeva prisustvuju:

- Mila Eminović, sekretar Gradskog vijeća Grada Sarajeva,
- Mirjana Đanović Stanić, rukovodilac Stručne službe za poslove Gradskog vijeća,
- Nejra Selimović, šef Odjeljenja za kabinetske poslove Gradskog vijeća.

Sjednici prisustvuju:

- Admir Jusufbegović, pravobranilac Pravobranilaštva Grada Sarajevo,
- Bakir Hadžimerović, direktor JP „Sarajevo“ d.o.o.

Predsjedavajući Administrativne komisije je u 13.39 sati otvorio sjednicu, pozdravio prisutne, utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu 82. sjednice Administrativne komisije Gradskog vijeća Grada Sarajeva održane 16.07.2024. godine.

Na prijedlog predsjedavajućeg, Administrativna komisija je jednoglasno usvojila sljedeći **dnevni red**:

1. Razmatranje Prijedloga za postupanje povodom razmatrane tačke dnevnog reda - Informacija o svim modalitetima ustupanja u zakup objekta „Vidikovac“ na Trebeviću i informacije JP „Sarajevo“ d.o.o. o odgovoru Uprave za indirektno oporezivanje BiH u vezi sa obavezama plaćanja PDV-a u procesu izgradnje objekta „Vidikovac“ na Trebeviću
2. Razmatranje Odgovora na vijećničku inicijativu gradskog vijećnika Jasmina Ademovića
3. Utvrđivanje Prijedloga Plana sredstava za rad Gradskog vijeća Grada Sarajeva za izradu Nacrta Budžeta Grada Sarajeva za 2025. godinu
4. Tekuća pitanja



TAČKA 1.

Razmatranje Prijedloga za postupanje povodom razmatrane tačke dnevnog reda - Informacija o svim modalitetima ustupanja u zakup objekta „Vidikovac“ na Trebeviću i informacije JP „Sarajevo“ d.o.o. o odgovoru Uprave za indirektno oporezivanje BiH u vezi sa obavezama plaćanja PDV-a u procesu izgradnje objekta „Vidikovac“ na Trebeviću

Uvodno izlaganje i pojašnjenja dali su Admir Jusufbegović, pravobranilac Pravobranilaštva Grada Sarajeva i Bakir Hadžiomerović, direktor JP „Sarajevo“ d.o.o.

Bajro Biber, član Komisije je u 14.00 sati pristupio sjednici.

Poslije uvodnog izlaganja i diskusije u kojoj su učestvovali članovi Komisije, te sažetka Predsjedavajućeg, Administrativna komisija je jednoglasno donijela sljedeći **zaključak**:

Administrativna komisija je razmotrila *Prijedlog za postupanje povodom razmatrane tačke dnevnog reda - Informacija o svim modalitetima ustupanja u zakup objekta „Vidikovac“ na Trebeviću i informaciju JP „Sarajevo“ d.o.o. o odgovoru Uprave za indirektno oporezivanje BiH u vezi sa obavezama plaćanja PDV-a u procesu izgradnje objekta „Vidikovac“ na Trebeviću* i predlaže Pravobranilaštvu Grada Sarajevo da zatraži od Tužilaštva Kantona Sarajevo građevinski dnevnik izvođača radova na izgradnji objekta „Vidikovac“ na Trebeviću za koji postoje saznanja da ga je Unigradnja uz drugu traženu dokumentaciju, predala Tužilaštvu Kantona Sarajevo.

Sljedeća sjednica Administrativne komisije će se zakazati nakon što Pravobranilaštvo dostavi nove informacije, a s ciljem zauzimanja određenog stava po ovom pitanju.

TAČKA 2.

Razmatranje Odgovora na vijećničku inicijativu gradskog vijećnika Jasmina Ademovića

Uvodno izlaganje i pojašnjenja dali su Admir Jusufbegović, pravobranilac Pravobranilaštva Grada Sarajeva i Bakir Hadžiomerović, direktor JP „Sarajevo“ d.o.o.

Poslije uvodnog izlaganja i diskusije, te sažetka Predsjedavajućeg, Administrativna komisija je jednoglasno donijela sljedeći **zaključak**:

Administrativna komisija je razmotrila *Odgovor na vijećničku inicijativu gradskog vijećnika Jasmina Ademovića*, te konstatuje da očigledno ne postoje uslovi da Grad Sarajevo otkupi predmetno zemljište, ali je moguće u narednom periodu djelovati u tom pravcu da se produži ugovor sa KJKP „GRAS“ Sarajevo po isteku perioda na koji je sada ugovoreno pravo građenja, odnosno da se razmotre drugi modaliteti možda i u komunikaciji sa Upravom za indirektno oporezivanje.

TAČKA 3.

Utvrđivanje Prijedloga Plana sredstava za rad Gradskog vijeća Grada Sarajeva za izradu Nacrta Budžeta Grada Sarajeva za 2025. godinu

Poslije uvodnog izlaganja, te sažetka Predsjedavajućeg, Administrativna komisija je jednoglasno donijela sljedeće **zaključke**:

1. Administrativna komisija utvrđuje Prijedlog Plana sredstava za rad Gradskog vijeća Grada Sarajeva za izradu Nacrta Budžeta Grada Sarajeva za 2025. godinu koji je u prilogu ovog akta, uz uvažavanje rješenja iz zaključaka koji slijede.
2. Administrativna komisija traži da se u Budžetu Grada Sarajeva za 2025. godinu planiraju sredstva za stvaranje uslova za rad Gradskog vijeća, i to za:
 - uređenje Ovalne sale Gradskog vijeća (krećenje, zamjena itisona, dubinsko čišćenje zidne tekstilne obloge, osvježenje drvenog fiksnog namještaja i nabavku novih stolica), te za krećenje prostora koji koristi Gradsko vijeće odnosno Stručna služba za poslove Gradskog vijeća i osvježenje fiksnih drvenih dijelova namještaja;
 - opremanje radnih mjesta budućih funkcionera potrebnom kompjuterskom i drugom opremom i uređajima, te sitnim inventarom;
 - servis postojećih, odnosno nabavku novih klima uređaja gdje je to potrebno;
 - izradu nove mrežne stranice za službenu elektronsku komunikaciju u Gradskom vijeću (za čiju pripremu se predlaže plan sredstava u ovom aktu).
3. Budući da je prostor koji koristi Gradsko vijeće, odnosno Stručna služba za poslove Gradskog vijeća nedostatan, potrebno je prostor koji je organiziran i namijenjen za rad Gradskog vijeća vratiti u njegovu originalnu funkciju, a za službe Gradske uprave koje sada koriste dio tog prostora izmjestiti u adekvatan prostor u zgradi DPO.

TAČKA 4.

Tekuća pitanja

Administrativna komisija konstatuje da je primila k znanju obavijest Gradonačelnice o tome da nije mogla započeti koristiti godišnji odmor u skladu sa Rješenjem, počev od 02.09.2024. godine, a radi potrebe posla, te se ovo rješenje mijenja tako da se izostavlja dio kojim se utvrđuje period korištenja prvog dijela godišnjeg odmora.

Poslije diskusije, te sažetka Predsjedavajućeg, Administrativna komisija je jednoglasno **donijela** Rješenje o izmijeni Rješenja o utvrđivanju i korištenju godišnjeg odmora za 2024. godinu - Benjamina Karić, koje je u prilogu ovog akta.

PREDSJEDAVALAČI KOMISIJE

Jasmin Ademović, s.r.

Predsjedavajući Komisije je u 14.07 sati zaključio rad 83. sjednice Administrativne komisije Gradskog vijeća Grada Sarajeva.